

DEBUTANTENAN TIN INTENCION DI BAHU FUERTE DEN TUMBA

ORANJESTAD(AAN)—Ayer anochi ainda Asoma di SAC tabata reuni ariba preparacionnan pa e concurso di tumba di e aña aki, cual segun tur comentario cu por scucha di banda di SAC, di banda di Asoma, di banda di lidernan di conhuntio y cantantenan lo ta un concurso sumamente fuerte e aña aki.

Segun expectativa, e aña aki lo tin un cantidad di tumba di nivel hopi halto, ya cu e agrupacionnan a preparanan mes segun indicacionnan di juzgamento cu ta tuma lugar e aña aki.

Manera ta conoci, y cu DIARIO a publica den forma di primicia, e aña aki un comision special a traha ariba buscamiento di jurado y tambe a formula un sistema nobo pa juzga e tumbanan, di manera cu e tumbanan mester ta completo den tur forma pa por bini na re-

marque pa premiacion. E informacion encunto esaki ta conoci cerca tur e agrupacionnan y esaki a haci tambe cu a traha masha duro pa presenta tumbanan competo.

Tabata ser papia di participacion record e aña aki, esta cu a inscribi 43 participante y cu posiblemente 40 lo tuma parti, perso asina leeuw cu DIARIO sa, ta participa mes cantidad cu aña pasa esta 35 cantante cu 13 conhuntio.

Un agrupacion cu te cu ayera no a inscribi y aparentemente lo no tuma parti e aña aki ta La Nueva Fuerza.

Tin e agrupacion Combinacion Sensillo cu ta un nobo, tambe El Nuevo Sonido cu ta debuta, mescos cu Super Estrella Origanl, LATIN Four & Company cu tambe ta debuta y Melomania.

Di e conhuntonan conoci tin Conhuntio crioallo di Boysie Croes cu e aña aki tin posibilidad di ser premia cu e sistema nobo di juzgamento, tambe La Selecta, Time, Combinacion perfecta, Vibracion 74, Revolucion Latina, Triple S y Sensacion del Caribe cu a inscribi.

Algun di e caranan nobo den tumba e aña aki ta entre otro Wibert Francisca, Skère Arends, cu ta bini cu Time y no cu Los Casiques, y kende ta un cantante cu lo por tembla stadion di RCA ya cu e ta masha conoci cu "Lombra Petchi". Tin tambe Alejandro Koeiman cu tambe ta cu Time, y cu ta ser comenta cu e tin un tumba fuerte di Didi Wernet y Chicho Kock. Mylene

Marquez tambe ta debuta y e expectativa ta pa mira con fuerte e lo ta entre e tumberonan masculino y si e competencia entre su persona y Clara del Dia lo ta fuerte e aña aki.

Marlon Mercera ta otro cu ta ser papia ariba

como debutante y cu e ta bini cu un tumba picante di Papito Rafael. Otro debutante ta Demitre Frans y Maikel Rafaela kendenan lo a inscribi cu Super Estrella Original segun DIARIO tin entendi.

TA conoci cu e areglis-

ta Chinto Croes a traha un bunita areglo pa otro debutante cu ta Win Winklaar y tin un cantante nobo Jeyvi Gonzalez cu ta debuta cu un areglo

di Martin Quändus cual tambe ta hopi comenta.

COMPETENCIA ENTRE CLARA Y MYLENE

ORANJESTAD(AAN)—E aña aki e concurso di tumba ta drey ariba dos cantante femenina cu tin hopi popularidad na Aruba.

Ta trata di Mylene Marquez y Clara del Dia.

Mylene Marquez ultimo lunanan a bira masha popular, y te hasta a loga gana premio di cantante femenina di aña, y su estilo di trece musica bailable, merengue y tumba

dilanti a pone cu e ta e cantante ariba cual hopi bista lo cay durante concurso di tumba, pa mira si e lo ta competencia fuerte entre e tumberonan masculino.

Bista ta ariba Clara del Dia tambe, kende a marca su nomber den concurso di tumba, y kende lo tin competencia femenino e aña aki no di Bernardina Grovell pero di Mylene. Aña pasa Clara a

presenta basta fuerte y ta ser spera cu e aña aki e lo ta mas fuerte ainda.

Diaviera venidero io mira cual di e dos cantantenan femenino aki lo impone mas tanto durante e concurso.

Si bay tras di e comentarionan scucha, Clara del Dia ta e favorito pa priba di brug y Mylene ta e favorito pa pabao di brug pa conquista e publico.

COMBINACION CHICO/DIDI HOPI PIDI

ORANJESTAD(AAN)—Por a nota ultimo dos añanan e combinacion di composicion di Chicho Kock hunto cu Didi Wernet ta masha fuerte den concurso di tumba. Nan tumbanan tabata esnan cu masha hopi ta ser gusta y semper ta den e favoritonan.

DIARIO a haya sa ayera nochi cu e aña aki, e composicionnan aki no a keda solamente pa Didi Wernet of pa Chicho Kock, pero cu ta varios cantante ta presenta cu nancacionnan.

Naturalmente Didi y Chicho mes lo bini cu

nan combinacion di composicion, pero parce cu Skère Arends y Alejandro Koeiman cu ta canta tambe cu Musical Time mescos cu Chicho, tambe ta canta composicionnan di Chicho y Didi.

Otro cantante cu ta bi-

ni cu un di nan composicionnan ta Edwin Croes di Combinacion perfecta, mientras cu El nuevo sonido tambe tin un cantante cu ta canta un di e composicionnan aki. No ta conoci kende esaki lo ta.

AREGLONAN DI ROBERT JEANDOR DEN TUMBA CONTEST

ORANJESTAD(AAN)—Ayer anochi DIARIO a haya sa cu Triple S a contrata Robert Jean D'Or triple ganador consecutivo di concurso di tumba te awor, pa aregla e tumbanan di Triple S, menos esun di Ito Dania cu ta den man di Eddy Bennet.

Ta conoci cu desde cu Robert a haci un trabao fantastico na Republica Dominicana, colaborando cu Triple S y hasta a

aregla algun di nan cancionnan di longplay, cu e ta forma parti di e elenco di areglisanan di e grupo aki.

Locual no tabata conoci ta cu e ta esun cu a aregla e tumba di Casin Giel e aña aki ni di Erick Rafael. Tambe segun e informacionnan John Jean D'Or ta presenta cu Triple S y su tumba tambe a pasa den cerebro di Robert.



CARRIBEAN MERCANTILE

MOBILE BANK STOP



WEDNESDAY

8:30 - 9:30

Joey's Drive In

Savaneta

10:00-10:45

YMCA

San nicolaas

11:30-12:30

Centro di Barrio Noord

12:45-13:45

Harry Bareno

Piedra Plat

14:00-15:00

Police Station

Santa Cruz

15:15-16:00

Wilhelmina Stadion

Fergusonstraat

CARNAVAL SALE

15-20-30-40 y 50% Descuento

ARIBA TUR JOYAS DI ORO

Tambe tin OFERTA ESPECIAL ariba

ALGUN HOLOSHI

NA:

JOYERIA

RAGHUNATH

NASSAUSTRAT